

Monica Arends Kock depasando su 14 añanan como abogado

Trata cu clientenan den momentonan dificil ta e momentonan mas recorda

Dialuna awor e abogado/politico ta celebra 10 aña cu e tin su bufete

ORANJESTAD – Durante e charlanan presenta pa abogado/politico Monica Kock, tabata notable cu e gran mayoria di persona di presente tabata hende homber. Algo cu a sorprende Kock hopi. Tabata e siman aki cu e abogado/politico a tene 2 lectura (e di tres ta awe noch na San Nicolas) na diferente sitio di nos isla riba e temanan di famia, manera divorcio, alimentacion, abuso etc. Tur esaki den cuadro di celebracion di e di 2 lustro di e bufete di e abogado Kock.

TRAYECTORIA

Pa loke ta e trayectoria di Kock como abogado, e ta corda nan den caso di famia cu tin problema. Hendenan ta bin oficina di Kock na yoramento pasobra a kita 4 di e muchanan pa motibonan no corecto. “Bo ta bai corte y ta haya nan bek pa e señora” Kock a bisa, describiendo apenas un di e hopi casonan cu e la trata. Mester bisa cu e tiponan aki ta mas bien su especialidad. E motibo pa cual e ta corda e casonan aki mas, ta pasobra nan ta mas emocional.

EXPERIENCIA

Mester remarca cu Kock tin mas di 14 anja como abogado, pero ta despues di 4 anja e la dicidi di lanta su propio bufete, cu durante anja a expande caba, tanto na su centro como a bin cu un filial na Savaneta. Despues di 14 anja, como su climax, Kock no tabatin uno specifico pero mas bien traha miho posibel pa e cliente. Algo cu e ta kere cu e la haci semper. E ta muestra cu honesto ta e mihor forma.

CASONAN CU CLIENTE

Como ehempel Kock ta muestra cu e tin clientenan cu ta bin serca dje cu den nan caso nan tin rason, pero pa un caso nan no tin suficiente prueba, e ta desconseha nan pa bai corte debi cu e chens cu nan tin pa gana esaki ta hopi chikito. Otro hende lo riska toch y aki e diferencia Monica Kock ta kere cu cual e ta eherce su profesion

como abogado. Hopi biala e honestidad ta crea problema toch, segun Kock pasobra

e cliente no ta compronde e motibonan pakico e abogado ta nenga di tuma e caso aunke

cu e sa cu e tin rason. “Pero si ta su palabra contra un otro persona, nos sistema no mag

di balora un cliente contra un otro (sin prueba)” Kock a sigui bisa.